

مستطابق

درسه‌داده باب عالی جاده‌سند
اداره مخصوصه
محل اداره :

مستطابق موافق آثار جدید مع المنونیه
قبول اوانور
دروج ایدله‌ن آثار اعاده اولغاز
انصار :

دین ، فلسفه ، ادبیات ، حقوق و علوم‌دن باحث هفته‌لق رساله‌در

درسه‌داده نسخه‌بی ۵۰ پاره‌در

مؤسسه‌ری : ابوالعلا زین‌العابدین - ح . اشرف ادیب

قبرله‌دن مقوا بورو ایله کوندریلیرسه سنوی
۲۰ غروش فضله آلنیر

تاریخ تاسیسی :
۱۱ خمرز ۳۲۴

سنه‌لکی	القی آیانی	درسه‌دنده
۶۰	۳۰	ولا یاتده
۸۰	۴۰	مملک اجنبیه‌ده
۸۰	۴۰	

درسه‌داده بوسته ایله کوندریلیرسه ولایات بدلی اخذ اولنور.

ایکنجی جلد

۱۰ ربیع‌الاول ۳۲۷ پنجشنبه ۱۹ مارت ۳۲۵

عدد : ۳۲

وحدت اسلامی و اشتلاف عثمانی نهیه متوقف ایسه ایوجه دوشونورلر ، مصالحو زمانیه اوفق اولان اقوال و آرائی ترجیح خصوصیه همت ایدرلرده هرکس شرع شریفک شهاحت و علویته حیران قالیر ، منقاد اولور .

زمانزده مجتهد یوقدر دییه رک بی نهیه مسائل خارج شریعت بر اقلیمق روامیدر ؛ باب اجتهادک قرن رابع و یا خامس حدودنده انسدادینی ادعا ایدنلرک سوزی محض تقول ، معناسر تحکم اولمسنده ذره قدر اشتباه اولونمامیدر . بوکا دلالت ایدمک نه دلیل عقلی بولونه بیلیر ، نه دلیل نقلی .

مرتبه اجتهاده وصولی جهله مسلم بولونان بیکلرجه ذوات اعصار اخیرده ظهور ایتمش ، فقط اجتهادلری علی الاکثر مذاهب اربعه نیک برینه موافق دوشمش اولغله آنلره منتسب عد اولونمشلردر . مثلاً ائمه شافعیه دن معدود عزالدین بن عبدالسلام و ابن دقیق العید « رحمهم الله » ک رتبه اجتهادی حائز بولندقلری اصلاً جای اشتباه دکدر . [۲] حالوکه اول قرن سابع رجالدن ایدی ، ثانی ده « ۷۰۸ » تاریخنده ، مبداء نامنده ارتحال ایتمشدر . مناسیری اسماعیل مرقی

نجائب قرآنیہ

سورۃ یس ، آیت - ۵۵، ۵۶، ۵۷، ۵۸

« ان اصحاب الجنة اليوم في شغل فاكهون . هم وازواجهم في ظلال على الارائك متكثون . لهم فيها فاكهة ولهم ما يدعون . سلام قولاً من رب رحيم »

[جناب حق آیت سابقه ده ، روز حشرده هیچ بر فردده هیچ بر وجه ایله ظلم اولماز دیه ندا اولنه جفنی و کفریه خطاباً دخی سزک بوکون کوردیککز جزا دنیاده ایکن مدام ایشله دیککز کفر و معاصی نک جزا سیدر دینله جکفی حکایه بیوردقدن صکره بو آیات کریمه ده دخی کندیلرینک حسرت و ندامتیرینی تزید ایتک اوزره اوکون اهل ایمان حقنده رایکان اولان صنوف عواطف و انعاماته دائر کفریه قارشو سویلنه جک سوزی حکایه ایدیور و بوجه ایله حضرت رب کریم خشود اولدینی عبادینه نشئه اخراده حاضر و آماده قلدینی الطاف و عنایاتی بزم شوخاک سافله ادراک ایدمیله جکمز بر صورتده تصویر ایدوب بیورورکه] سکان جنت بوکون ذوق و صفایه طامش ، [نعيم جتدن] نواله چین لذت و سرور اولیورلر . انلر و [دار دنیاده کی] زوجهلری کولکه لرده [اشجار لطیفه نک سایهلری التده] مزین تحت و سریرلر اوزرینه اتکا ایدیورلر . اوراده انلر ایچون هر نوع فاکه

[۲] حق ائمه مالکیه دن مشهور « ابن عرفة » رح دیورمش که مصرزده ابن عبدالسلامک رأی منضم اولمادجه اجماع منمقد اوله ماز . اجماع ایسه مجتهدینک اتفاق دیمکدر .

بووجهله تفرد ایدمک بر مجتهدک بوتون امت مقامنه قائم اولمسی مقتضای نصوصدر .

الحاصل هر زمانده آزه چوق ملکه اجتهاده مالک ذوات بولونور ، بولونملری موافق حکمت و مصلحت کورولور . علمای دینک بومرتبه بی احراز ایچون صرف مساعی ایتملری وظائف مهمه لرندندر . زیرا کتاب و سنت ایله قیاس و اجماع امتدن عبارت ادله شرعییه تمسک وجوبنه دال اولان دلائل عقایه و نقلیه نک مقتضای عمومی بولونان حکمک بعض اعصار و اشخاصه تخصیص ایدلسی قطعاً صحیح اوله ماز . بو حکمدن یالکزر عاجزلر خارج قالیر . اوت ، دلیل شرعییه تمسک ایله استنباطه قادر اوله میان کیمسه بالضروره اهلنه مراجعت و تقلیده مجبور اولور ، بومراجعت و تقلیدی ده قاعده مقرریه توفیقاً بقدرالضروره تقدیر اولونور . زیاده اولورسه معصیت عد ایدیلیر .

تمهیدات معروضه منر ایله واضحاً آکلاشیلور که اجتهاد اوزرمرزده فرض دائم و الی قیام الساعه برحق قائمدر . امت احمدیه هیچ بر عصرده بوشرف و سعادتدن محروم قالیه جفته بو حدیث شریفده شهادت ایتمکده در : « لا تزال طائفة من امتی ظاهرين على الحق حتى ياتيهم امر الله » قال المنادی ای غالبین و منصورین و هم جیوش الاسلام و العلماء [۱]

محمد بن عبدالکریم شهرستانی رحمه الله ده « ملل و نحل » کتابنده شویله دیورلر : « نصوص شرعییه متناهییه ، وقایع ایسه غیر متناهی اولدینندن ، حالوکه متناهی اولان شی نامتناهی اولانی ضابط اولمیه جفتدن اجتهاد و قیاسک واجب الاعتبار و قطعی الدوام اولمسی اقتضا ایدرکه هر حادثه اوزرینه اجتهاد بولونسون ، امت اسلامییه تأمین سلامت ایله سون . [مجلس معوثانده کی انجمن مخصوص تنسیبی اوزره تشکل ایدمکچی استبشار اولونان محله جمعیت جلیله سی ان شاه زمان قریبده تشکل ایدرده بوسایه ده امتک بوتون ترددلری زائل اولور ، هر مشکملری حل اولونور . زیرا توارد ایدن اختلافات حالی اوزره قالمقده ، احتیاجات کوندن کونه تزاید ایتمکده در . بوکون بیلنمسی اشد لزوم ایله لازمیک چوق مسائل جواب سزطور و یور . معاملات عمومییه توسع ایتدجه حادثات چوغالیور . ارباب تورع آرزو ایتدیکي منافعدن محروم قالیور . مثلاً صاللان دیشک تبتی ایچون آلتون و یا کوموش تلر ایله باغلانمسی جائز اولدینی حالده چور وین بردیشی طول دور مق و یا قیلاقمق مجبوریتی حس ایدنلر فنواخانه یه مراجعتله بر جواب آله میورلر . مع هذا ، قیاساً بونک ده جوازی خاطرلر کلمکده در .

اک کزیده فقها منر دعوت ایدیلهرک اجتماع ایدمک اولورلرسه هم مجله بی توسیعاً شرح ، هم لزوم کورولن دهانه قدر مسائل وار ایسه بالتدقیق علاوه ایدرلر ، ربایه ، سیغورطیه و سائر مه دائر اختلافاتی آرادن قالدیرلر ، بوتون مساعدات شرعییه بولوب اوزرته قویارلر ،

[۱] هر احتمال کوره بو حدیث شریفده کی ظهور و غلبه تبشیری ده بقای اجتهاده دلیل اوله بیلیر . چونکه دین اسلامک دوام ظهوری بقای اجتهاده منوط اولدینی ، یوقزیده ابضاح اولوندی .

ایتمالی، ظواهر کلماته قایلوبده صافدلانه اصحاب نفاقه پیرو اولماملی در. انلرک کوندرکری جهت قلوب صافیه در. بولجه بی پایانی ترییح ایدنجه انلرک جرأتلری کوندن گونه تزیید ایدر. بومحققدرکه حبل مثینه اعتصام ایتدیکجه اقوام اسلامیه دن هیچ برینک نه حیات سیاسی نه حیات شخصی سی قالور، وحدت کبرایی اخلاصه تصدی ایدنلر ماده و معنای مسؤولدرلر، حق و خلق نظرندنه منغورددرلر. برنجی وجیه وحدته جانسپارانه خدمت واریکه امامت کبرایه انقیاد واطاعتدر.

بزعاقلانه و متفقانه حرکت ایدرسهک هیچ بروقت آفاق سیاسی من مظلوم دکلددر. جهان مدنیتک بزدن مطلوبی بونقطه ده موازنه دولیه بی اخلاصه مانع اوله جق برقوه غلبه بولندیرمقدر. خارجه بورایه تجاوزه مهیا اعدام واریعش. هر دولتک دشمنی واردره. اوزمه خاص دکل. هنر اودرکه آمال و منافعی بزم آمال و منافعه مزه موافق دولتلر ایله اتفاق حصوله کتورلسون، زیرا کوریورزبوکون متفکرسز حیات سیاسی ممکن دکل. مملکتیمزک صرف امور داخله سندن بولنان قوانین و آداب و اخلاقه خارجدن هیچ بر فرد مداخله ایدر. بوجهتجه اولان جعلی تلاشدرده قطعاً حائز اهمیت دکلددر.

باطل همیشه باطل و بیوده در ولی

مشکل بودرکه صورت حقندن ظهور ایدر

دها عریبدن [مغیره بن شعبه] حضرت فاروقی: «درجه فضل الدائمقندن، درجه عقلی الدائمقندن متعالیدر» دیه وصف و ستایش ایدرمش.

آیت کریمه ده تبیین ایله اولان امر مخبرک فسقی اوزرینه ترتیب اولمش، یعنی مخبر فاسق اولورسه توقف و تفحص ایدک بیورلمش. مفتی دیار روم ابوالسعود حضرتلری: بو ترتیب و تعلیق نظرراً نظم جلیله خبرواحد عدلک بعض موادده قبوله اشارت واردر دیور.

سرور انام علیه الصلاة والسلام افندمر، حضرت عثمان بن عفان رضی اه عنک لام برادری ولید بن عقبه بی تحصیل زکاة ایچون [بی المصطلق] عشرتمک نزدینه اعزام بیورمشدی. ولید عشرتمک یوردینه یاقلاشدقده تعظیم ایچون سوار اوله رق استقباله چیقیدیلر. حالبوکه ولید ایله عشیرت ارمسنده بر دم سیبله زمان جاهلیتدن قاله عداوت بولندیغندن ولید اوغلبه لکی کورنجه کندوسنه سوء قصد ایچون قارشوسنه چیقمشلر دیه وهم وخوفه تابع اوله رق همان عودت ایله حضور نبوی به کلوب: [بی المصطلق] مرشد اولمش. اوزریمه سلاح ایله چیقیدیلر، زکاتک اعطاسنه مخالفت ایلدیلر دیدی. بونک اوزرینه عشیرت اوزرینه عسکر سوقه قیام بیورلیدی. ایشته بواشاده ایدی که بو آیت کریمه نازل اولدی. شویله ده روایت ایدنلر وار: ولید بن عقبه بی المصطلق نزدندن عودت ایله بو طرزده عرض کیفیت ایتیمی اوزرینه سلطان انیا علیه افضل التحایا افندمر خالد بن ولید حضرتلری عسکرایله انک اوزرینه کوندردی و خالد امرایتدی که عسکرله کیتدیکنی

وهر ایستدکری واردر. [باخصوص انلر ایچون اوراده اصل تمنی ایتدکری بره مطلب اعلی واردرکه اوده] رب رحیم [جهتک] دن ارزان بیوریه جق سلام [وتحیه] در. [دارالسروزده مؤمنین مکرمین بالواسطه ویا بالذات سلام واثفات الهی به نائل اوله جق و بوشرف الثفات خداوندی ایله کامران اولنجه بهشتک جمله نعم و مطایینی خاطرلرندن فراموش ایدر جکلدر در].

سلامت من دلخسته در سلام تو باشد

زهی سعادت اگر دوات سلام تو یابم

جابر بن عبدالله رضی اه عنه حضرتلرندن مروی اولدینی اوزره ذات نبوتنیه افندمر بیوردیلرکه: اهل جنت مستغرق حظ و صفا ایکن بردنبره اوزرلرنده برشمشمه نور پیدا اوله جق و باشلرینی قالدیرنج. جناب رب العزت انلره سلام ویره جکلدر. سکنه جنت اکا نکران اولدیکجه نعیم جتندن هیچ برشیته الثفات ایتیه جکلدر در. بعد الاحتراب دخی اونورک برکتی اوزرلرنده قاله جق.

یراه المؤمنون بغیر کیف - وادراک و ضرب من مثال

فینسون النعیم اذا رأوه - فیاخسران اهل الاعتزال

«قصیده: امالی»

سوره حجرات آیت - ۶

«یا ایها الذین آمنوا ان جاءکم فاسق ببناء فتنینوا ان تصیوا قوماً بیهاالة فتصیحوا علی ما فعلتم نادمین»

ای ایمان ایدنلر، اگر بر فاسق سزمه خبر کتور رایسه طورک، تفحص ایدک [فسقندن صاقمه یان فسقک بر نوعی اولان کذبندن صاقمه جنی درکار اولمغه حقیقت حال تبیین ایتدیکجه صاقین فاسقک کتوردیکی خبره اعتماد ایتیک]، تاکه بر قومه بیلیمه رک [حالی رینه مطلع اولیه رق] بر ضرر ایراث ایدوبده [سکره انلرک کندیلرینه عزو و اسناد اولنان احوالندن برائتلری اکلاشیلدیکجه] ایتدیککزه نادم اولمش اولیمه سکر [انک سوزینه بلا تانی و بلا تحقیق ایتانورسه کز اوله بیلورکه بر قومه بر ضرر ایراث ایدر سکرده سکره او قومک برائی نمایان اولمغه حقلرنده کاشکی بویله معامله ایدلاملی ایدی. دیه هر دم مغنوم و مکدر اولورسکر].

بونظم جلیل ارشاد ایدیورکه هیچ بر فاسق هر قنفی بر خصوصیه اولورسه اولسون اهل ایمانی ککه زور ایله اغفال ایدم بیله جکه امید وار اوله مامق ایچون دائماً اتبناه اوزره بولملری لازمدر. فاسقک سوزی اصفا اولنوبده اکا اعتماد اولنورسه طوائف مسلمین ارمسنده قتاله مفضی اوله جق سوزلر بولوب سویلر. مقصد ملعوناته سنی ترویج ایچون حق و حقیقتدن دم اوره رق صدوری بری برینه بغض و نفرتله قبارته جق اخبار و حوادث ایجاد ایلر. بوکونلرده مقاصد مختلفه دن ناشی پرده نفاق آتنده بر چوق او یونلر اوینانیور، بر چوق گفت و کولر اولیور. بو آیت کریمه نک مضمون حقیقت نمونی نظر مطالعه به النوبده اوکی منافقانه سوزلره بلاتانی و بلا تحقیق حواله سمع اعتبار

بیلدیرمیوب کیجه لین کیزلیجه بنی المصطلق یوردینه کیر، انلرده شعائر و آداب اسلامی مرعی کوررسهک زکاتلرینی آل . یوقسه اهل ارتداد حقنده اوله جق معامله بی اجرا ایت . خالد بن ولید رضی الله عنه حضرتلری امر پیغمبری اوزره حرکت ایدرک وقت غروبده بنی المصطلق یوردینه داخل اولدی . عسکر یله برلکده مخفیجه بریره قوندی . عشیرتک احوالی تدقیق و تفحص ایتدی . اقشام ویاتسو اذانلرینی ایشتدی . سائر حاللرینه مطلع اولدی . امر الهی به مخالف کنیدلرنده بر حال و حرکت کورمدی . بونک اوزرینه زکاتلرینی اخذ ایدوب عودت ایلدی و حضور نبوی به واقعه حالی و مشهوداتی عرض ایلدکه بو آیت جلیله شرف نزول ایتدی .

برکت زاده : اسماعیل رفی

مولد النبی علیه الصلاة والسلام

مولد النبی کونندن مقصد ، پیغمبر دیشانمز افندمزک دنیایی تشریف بو یوردقلری یوم سعادتدر . استانبولده . و ترکاریتنده (قدیل کیجه سی) دیه یاد اولسان ، ربیع الاول آینک اون ایکنجی کیجه سی . دین مبین اسلامک عالم انسانیه مبلغ صادق و امینی اولان مجمع مکارم اخلاق ، حضرت سیدالاسیاد افندمزک دوغدقلری لیه مبارکه مهمه در . تاریخ نقطه نظرندن بو حادثه تولد ، دنیانک اک بویوک و اک صاحب سطوت و عظمت هر هانکی شهنشاه جهانگیرینک ، ویا صاحب جام امپراطورینک یوم میلادندن دهامهم ، دهاپک چوق معیندار بروقه عظیمه انقلابات و کالاتدر . اوله که بو ذات جلیل الصفات عدالتپور و رک بالآخره مظهر رتبه نبوت اوله لرندن ، قبالی چوللرده و حوش کبی یاشایان ، اصنامه طابان ، ادعای شهامت و اظهار تعصب و شجاعت ایله یین ، بیلدیکندن کوردیکندن ذره جه شاشمایان ، جسور ، عنود ، جاهل ، وحشی ، محارب ، بر قومدن صحایف تاریخ عالمه نیجه شان و شهرتله انتقال ایدن مدنی ، متدین و حقیقت بین ، معتدل و حق شناس ، عالم ، متمدن ، شجاع و متحمل ، صادق و مخلص بر بویوک امت یتشددی . نشر ایلدیکی نور حقیقت ، نور حقیقی انسانیت اولدینی ایچون او کو چوک قیله قریشدن شامه ، یمنه ، عراقه ، هنده ، افغانه ، چینه ، مصره ، اندلسه ، و خلاصه چار اقطار عالمه خطوط زرین شعاعی طبق تنویر عالم ایدن برکونش کبی یاسیلدی . بونوردن علما ، فضلا ، حکما ، قلاسفه اسلام استفاضه ایتدی ؛ میدانه چیقیدی . عدالت او سایهده یرلشدی ...

دنیا دکشدی ، شرقک نور فیضا فیض لاهوتیسی جهانی طوتدی . کتابخانه عرفان آدم ، علوم ایله طولدی طاشدی . اوله که لسان بلاغت باشقه بر حقیقت نوظهور ایله تکلمه ، وجدانلر اک یوکسک حسیات ایله تفهمه ، انسانلر بیلنمز بر صفای معنوی ایله تعالی به مظهر اولدیلر . سعی و غیرت ، عزم و همت ، رفاه و سعادت ، عفت و عزت بر کورونمز افق لایتناهی به دوغرو وسعت بولدقه بولدیلر !

جامعلر طلبه ایله ، بلدلر علم و ادبله مالامال فیوض اولدی .

دنیا به باشقه بر باب الهی دولت آچلدی . مستواؤه کلمه ، عدالت محضه ، حریت انسانیه ، حقیقت الهیه هپ تظاهر و تأسس ایتدی ؛ علوم و معارف ، صنایع و تجارت ، زمانه کوره حد غایبه یاقلاشدی . ایشته بواک بویوک ، اک جدی ، اک بقادار اثر وحید عالینک صاحبی اون بی دیشان صاحب عرفاندر . مکارم اخلاقی ملوک و سلاطینی دوشوندورن و کو چولتن بو ذات اشرف و اجلک لیه مبارکه تولدلریدر که الآن یاد واعاده اولونیور . بویوم تاریخی ، عالم وسیع اسلامیتجه اک بویوک بر بیرام کونی اولسه لایقدر . بوکونده بوتون مسلمانلر عارف حقیقت انسانیه اولدقلرینی بر برلرینه تبشیر ایتکله سونینلر سزادر . چونکه اکمتین و ابدی سوزلر واک آچیق حقیقتلر بوکونک مولود یکتای کلی اولان او پیغمبر دیشاندن صدور ایتش ، و او واسطه ایله تلقین ایدلشدر .

نور نظرامعان اولان بو ذات معالی صفاتک اوصاف جلیله و مزایای سنیه هایونلرندن بحث کوچدر . بو خصوصده تاریخ اسلامک مدار فخری اولان بیکارجه علما ، بیکارجه اثرلر یازمشلردر . هر سوزی بر حکمت بالغه . هر حرکتی بر علویت غیر مسبوقه اولان نبی حکیم مز افندمزک دوغدقلری کونی ویا کیجه بی ذوق وجدانه عائد بر صمیمیت روحیه ایله حس ایتک ، ظنمجه اک کوزل بر راسمه خلوص و احترام ، اک صاف و حقیقتپور بر نشانه تکریمدر . علیه افضل الصلاة .

مهر ، علی سعاد

کرید

ای مزارلردن درین یوکسک زمین انحطاط ،
ای جزیره ، ای مزار ، ای مقبر دریا محاط ؛

هریرک بر حفره در آتش دهان کینی !
یوتق ایستر ملتک آتی نور ا کینی !

اسکلتلر ، طیفلر منظوردر سندن بکا ..
کریه نردن ، آه لردنی ایدلشسک بنا ؟

پک قراکلسک — نیچون ؟ — ماتم دینن شی سنمیسک ؟
سوزش جسمک نه در ، برمشعل مدقمیسک !

نعلش پابر جامیسک ، برسر نکون تربیسک ؟
نطقه کلش بر خیالت ، طیف بر نکتمیسک ؟

فاجعات ایراد ایدرسک ، ناقل افسانه سک ..
موت هائل ، مقبر مظلومیسک ، آکلات نه سک !

برکونشسک ، نورینک ماضیلر اولش مغربی ؛
قبره نازل ، موته مائلسک قراکقلر کبی !